



Pou Piblikasyon Imedya: 03/02/2022

GOUVÈNÈ KATHY HOCHUL

**GOUVÈNÈ HOCHUL REKÒMANDE PRIDANS PISKE SISTÈM METEYO IVÈ SOU PLIZYÈ JOU A POTE GWO NÈJ, NÈJ KI FONN AK LAPLI GLASE**

*Yo prevwa gwo nèj atravè plizyè rejyon nan nò Eta a; lapli glase ka pote kondisyon glasyal nan zòn sid Eta a*

*Gouvènè Hochul avèti Nouyòkè yo pou yo limite vwayaje pou ekip entèkansyon ijans yo ka netwaye wout yo epi travay san danje*

*Pèsonèl ak ekipman yo deplwaye nan zòn yo prevwa k ap gen pi gwo enpak yo, sa gen ladan chasnèj operatè, ekip siyè ak jeneratè*

Gouvènè Kathy Hochul te rekòmande Nouyòkè yo jodi a pou prepare pou yon sistèm meteyo ivè ki long ki pral pote gwo nèj nan Rejyon Lwès ak Santral New York, Finger Lakes, Mohawk Valley, North Country ak Rejyon Kapital la, pandan ke lapli glase ak kondisyon glasyal yo ka afekte rejyon Mid-Hudson ak rejyon sid eta a yo. Yo prevwa yon seri nèj, nèj ki fonn ak lapli glase k ap kòmanse pita nan apremidi pandan tanpèt la ap deplase nan direksyon lès. Presipitasyon yo prevwa fè tranzisyon jeneralman an nèj apati vandredi maten atravè anpil kote nan eta a, byenke rejyon Mid-Hudson, Vil New York ak Long Island kapab wè lapli glase ak nèj ki fonn nan vandredi maten.

"Nou prevwa yon gwo sistèm tanpèt ivè, sa gen ladan gwo nèj, nèj ki fonn ak lapli glase, k ap deplase atravè pifò eta a jodi a ak demen", **Gouvènè Hochul te deklare.** "Ajans yo nan Eta a ki te enplike nan entèkansyon ijans prepare ak pare pou deplwaye resous siplemantè pou ede gouvènman lokal yo. Wout yo ka danjere, kidonk mwen ankouraje Nouyòkè yo evite vwayaj ki pa nesèsè ak pote atansyon nan previzyon lokal yo jiskaske tanpèt la pase".

Blakawout ak domaj pyebwa yo posib akòz glas ak akimilasyon nèj ki vin apre. Vwayaje nan rejyon ki afekte yo ka danjere pafwa, sitou pandan vwayaj nan aswè yo nan jedi ak vwayaj nan maten ak aswè yo nan vandredi. Gouvènè Hochul konseye Nouyòkè yo pou yo prepare pou rete lakay, evite vwayaj ki pa nesèsè ak pèmèt ekip entèkansyon ijans yo fini misyon yo.

**Komisè Divizyon Sekirite Teritwa ak Sèvis pou Ijans Eta a (Division of Homeland Security and Emergency Services), Jackie Bray, te deklare,** "Gouvènè Hochul ak mwen menm ankouraje Nouyòkè yo pou yo prepare ak planifye davans si yo dwe

vwayaje nan jou k ap vini yo. Nou pral kontinye siveye previzyon meteyo yo ak rete ajou avèk patnè gouvènman nou yo nan Sèvis Meteyo Nasyonal la, ajans eta yo ak konte yo pou asire nou gen bon kouvèti pou entèkansyon nan zòn tanpèt la plis afekte yo".

Zòn yo nan Santral New York, Finger Lakes ak Southern Tier ka resevwa jiska 18 pous nèj, pandan rejyon Lwès New York ak North Country yo prevwa jwenn yon pous nèj oswa plis. Yo prevwa rejyon Kapital la ap resevwa 4 a 8 pous nèj, epi kèk pati nan Rejyon Mid-Hudson, kote gen plis chans pou gen chit nèj ak presipitasyon miks, kapab resevwa jiska 4 pous nèj ak jiska de dizyèm pous glas.

Sèvis Meteyo Nasyonal (National Weather Service) la te pibliye plizyè avètisman ak siveyans meteyowolojik pou prevwa evènman k ap dire plizyè jou a, ki prevwa deplase nan sidwès pou ale nan nòdès atravè eta a apati jodi a rive vandredi. Pou ou kapab jwenn yon lis konplè sou alèt meteyowolojik yo nan zòn ou an, vizite [sit entènèt](#) Sèvis Meteyowolojik Nasyonal (National Weather Service) la.

## **Preparasyon Ajans**

### **Divizyon Sekirite Teritwa ak Sèvis pou Ijans yo (Division of Homeland Security and Emergency Services)**

Sant Operasyon Ijans Divizyon Sekirite Enteryè ak Sèvis Ijans (Division of Homeland Security and Emergency Services, DHSES) Eta New York la aktive epi l ap kontwòle tan ak kondisyon vwayaj yo depre, kowòdone operasyon entèkansyon ajans Eta a yo, epi kominike ak gouvènman lokal yo pandan evènman an. Estòk Eta a prepare pou deplwaye resous nan lokalite yo pou sipòte nenpòt bezwen ki gen rapò ak tanpèt la, sa gen ladan ponp, twonsonez, sak sab, jeneratris, bèso, lenn ak dlo nan boutèy.

### **Depatman Transpò (Department of Transportation, DOT)**

Depatman Transpò Eta a prepare pou reponn avèk resous sa yo:

- 1,748 gwo kamyon chasnèj pwa lou ak pwa mwayen
- 328 gwo chajè
- 51 remòk chasnèj
- 39 aparèy pou soufle nèj
- 23 kamyonèt ki gen chari
- 18 aparèy pou fè nivèlman

Yo pral deplwaye vennsèt pèsonèl nan lòt rejyon yo konsa:

- Rejyon Kapital la ap resevwa 7 operatè chasnèj ak 2 enstriktè operatè ekipman.
- NY Santral ap resevwa 8 operatè chasnèj ak 1 sipèvizè.
- Southern Tier ap resevwa 8 operatè chasnèj ak 1 sipèvizè.

56 jeneratè te deplwaye nan zòn yo prevwa ki ka resevwa lapli glase epi yo pare davans pou reponn ak nenpòt move siyal.

21 ekip siyè nan Depatman Konsèvasyon Anviwònmantal ak Pak yo pare epi an sèvis pou ede nan operasyon eliminasyon pyebwa DOT a yo.

Yo pral itilize sèvis remokaj nan kote ki annapre la yo: US 20 (Madison), I-81 (Onondaga), US 20 (Onondaga), I-390 (Steuben), I-86 (Chemung), I-84 (Orange), I-684 (Putnam), I-81 (Broome), I-88 (Broome), NY 17 (Broome), ak NY 17 (Sullivan). Nou pral reyevalye bezwen pou plis sèvis remokaj a mezi evènman an ap dewoule.

Pou jwenn dènye enfòmasyon sou sikilasyon yo, rele 511, vizite [www.511NY.org](http://www.511NY.org) oswa telechaje aplikasyon mobil gratis 511NY la.

### **Otorite Thruway**

Otorite Thruway la pare pou li entèvni avèk 677 sipèvizè ak operatè disponib nan tout eta a, ansanm ak resous sa yo:

- 356 kamyon chasnèj pwa lou ak pwa mwayen
- 11 remòk chasnèj
- 68 gwo chajè
- Plis pase 119,000 tòn sèl disponib

Yo mete twa kamyon nan Syracuse, depi NYC, pou ede nan entèvansyon an.

Yo itilize Pano pou Mesaj Varyab ak rezo sosyal yo pou avèti otomobilis yo sou kondisyon move tan ivè pandan yo sou Thruway la.

Otorite Thruway yo ankouraje otomobilis yo telechaje [aplikasyon mobil](#) li an, ki disponib gratis sou aparèy iPhone ak Android yo. Aplikasyon an bay otomobilis yo enfòmasyon sou sikilasyon an nan tan reyèl, ansanm avèk asistans pou navigasyon pandan yo sou wout. Otomobilis yo ka enskri tou pou yo resewa imèl [TRANSalert](#) k ap bay dènye enfòmasyon sou kondisyon sikilasyon sou Thruway a [isit la](#).

### **Depatman Konsèvasyon Anviwònmantal (Department of Environmental Conservation)**

Ofisye Lapolis Pwoteksyon Anviwònman DEC yo, Gad Forè yo, anplwaye Jesyon Ijans yo, ak anplwaye rejyonal yo nan eta dalèt epi y ap siveye sityasyon k ap devlope a epi y ap fè patwouy aktivman nan zòn ak enfrastrikti ki afekte pa move tan an.

Tout resous ki disponib yo, ki gen ladan siyè yo, yo pare pou ede ak nenpòt repons ijans.

DEC ap konseye itilizatè nan rejyon sovaj yo pou yo konsyan ak prepare pou kondisyon avalanch akòz tan an ki ka ogmante risk avalanch ou glisad yo oswa teren apik oswa ouvri. Pou plis enfòmasyon, ale sou <https://www.dec.ny.gov/press/124692.html>.

DEC raple sila yo ki responsab pou netwaye ak jete nèj a gwo echèl pou yo swiv pi bon pratik jesyon yo pou ede redui posibilite pou gen polyan tankou sèl, sab, lwil, fatra oswa

lòt debri nan nèj ki afekte kalite dlo a. Pou plis enfòmasyon, ale sou: [https://www.dec.ny.gov/docs/water\\_pdf/togs5111new.pdf](https://www.dec.ny.gov/docs/water_pdf/togs5111new.pdf)

### **Biwo Pak, Lwazi ak Konsèvasyon Istorik (Office of Parks, Recreation and Historic Preservation)**

Lapolis Pak Eta New York ak anplwaye pak yo rete alète epi y ap swiv depre kondisyon metewolojik ak enpak yo. Vizite pak yo dwe tcheke [parks.ny.gov](https://parks.ny.gov) oswa rele biwo pak lokal yo pou yo jwenn dènye nouvèl konsènan lè fonksyonman pak yo, lè ouvèti ak fèmti yo.

### **Depatman Sèvis Piblik**

Sèvis piblik New York genyen apeprè 5,750 travayè disponib ki angaje nan evalyasyon domaj, efò entèkansyon, ak restorasyon atravè Eta New York. Pèsonèl ajans lan ap swiv travay sèvis piblik yo pandan tout evènman an epi y ap asire peryòd travay sèvis piblik yo gen pèsonèl ki apwopriye ak rejyon yo prevwa ki pi afekte yo.

### **Lapolis Eta New York**

Lapolis Eta a pal siveye kondisyon yo depre epi yo pral prepare pou deplwaye manm Patwouy anplis, jan sa nesèsè. Tout machin katpakat ak veyikil espesyalize Lapolis Eta a yo, ki gen ladan motonèj ak veyikil itilite tout tèren yo, anplas ak prè pou entèkansyon imedyat.

### **Otorite Enèji New York la (New York Power Authority, NYPA) ak Canal Corporation**

Anplwaye Otorite Enèji New York la ak anplwaye Canal Corporation yo ap fè preparasyon pou asire tout enstalasyon yo, resous yo ak ekipman yo byen sekirize epi ke yo prè. Otorite Enèji a prepare pou sipòte aktivite restorasyon enèji si sa nesèsè.

### **Otorite Transpò Metwopoliten**

Otorite Transpò Metwopoliten (Metropolitan Transportation Authority, MTA) an ap siveye kondisyon metewolojik yo depre pou asire sèvis san danje, ki fyab. Anplwaye MTA yo pral pare pou pwopaje sèl ak netwaye platfòm ak eskalye glas yo, kenbe siyal, entèriptè, twazyèm ray ap fonksyone MTA Bridges and Tunnels ap konseye otomobilis yo pou yo kondui a vitès redwi.

Kliyan yo ankouraje tcheke [new.mta.info](https://new.mta.info) pou dènye mizajou sou sèvis, ak pou itilize prekasyon pandan y ap navige sistèm lan. Kliyan yo tou ta dwe enskri pou sèvis alèt an tan reyèl yo atravè mesaj tèks oswa imèl. Alèt sa yo disponib tou atravè aplikasyon MTA yo: MYmta, Long Island Rail Road Train Time ak Metro-North Train Time.

### **Otorite Pòtyè a nan New York ak New Jersey (Port Authority of New York and New Jersey)**

Otorite Pòtyè a ap siveye kondisyon metewolojik yo. Restriksyon pou vitès yo gendwa an vigè nan pon yo, ansanm ak wout pou ale ak pou sòti nan kafou yo. Yo ap ankouraje pasaje atravè enstalasyon Otorite Pòtyè yo pou kontakte konpayi otobis ak liy ayeryèn yo dirèkteman pou dènye enfòmasyon sou reta ak anilasyon. Pou dènye

enfòmasyon yo sou etablisman Otorite Pòtyè yo, tanpri tcheke rezo sosyo yo, enskri pou [Alèt PA](#) yo oswa telechaje youn nan aplikasyon mobil PA yo, ki enkli [RidePATH](#) ki bay mizajou nan tan reyèl ak alèt pou sèvis PATH.

## **Konsèy sekirite**

### **Deplasman nan sezon ivè**

Prensipal kòz lanmò ak blesi pandan tanpèt ivè yo se aksidan ki gen rapò ak transpò. Anvan ou chita dèyè volan, pa bliye retire glas ak nèj ki sou machin ou an; bon vizyon se sekre kondui byen. Planifye arè ou yo epi kite plis distans ant machin yo. Pote plis atansyon epi sonje pil nèj yo ka maske timoun ki pi piti yo. Toujou koresponn vitès ou selon kondisyon wout la epi selon meteyowolojik.

Li enpòtan pou chofè ki sou tout wout yo konnen vitès chasnèj yo se 56 kilomèt alè, sa ki nan anpil ka pi ba pase limit vitès ki make a, pou yo ka garanti sèl yo simen an rete nan vwa sikilasyon yo epi pa dispèse andeyò wout yo. Anpil fwa sou otowout ant eta yo, chasnèj yo opere kòtakòt, kòm se fason ki pi efikas epi ki ofri plis garanti pou netwaye plizyè vwa yon sèl kou.

Chofè machin ak pyeton dwe sonje chofè chasnèj yo ka wè devan yo sou yon distans limite, epi gwosè ak pwa chasnèj yo ka fè l difisil pou manevre epi frennen touswit. Nèj chasnèj la ap soufle dèyè li ka diminye vizibilite anpil oubyen kreye yon vwal blan. Chofè machin yo pa ta dwe eseye double chasnèj yo, ni swiv yo twò pre. Kote ki gen plis sekirite pou chofè machin yo woule se lwen dèyè chasnèj yo, kote wout la klè epi gen sèl sou li.

Men kèk nan konsèy ki pi enpòtan pou woule ansekirite:

- Lè tanpèt ivè yo rive, pa kondui si li pa vrèman nesèsè.
- Pran prekosyon sou pon yo paske li ka fè glas la pi vit pase sou wout yo.
- Fèy mouye ki sou wout yo kapab lakòz atè a glise, sa ki fè li enpòtan pou kondui pi dousman lè wap pwoche kote ki kouvri ak fèy yo.
- Verifye machin ou gen ladan lenn, yon pèl, flach ak pil anplis, rad cho anplis, yon pè chèn pou kawotchou, kab boustè pou batri, manje ki bay enèji rapid ak rad ki gen koulè klere pou sèvi kòm drapo detrès.
- Kenbe tank gaz ou plen pou evite gazolin nan friz.
- Si ou gen telefòn selilè oswa yon wòki tòki disponib pou w sèvi, kenbe batri a chaje epi kenbe l avè ou tout lè ou ap vwayaje. Si ou ta vin bloke, ou ap kapab rele pou mande èd, enfòmè sekouris yo sou kote ou ye.
- Asire ou ke yon moun konnen plan vwayaj ou.
- Pandan ou ap kondui, kenbe machin yo lwen glas ak nèj.
- Planifye arè yo epi kenbe distans ant machin yo. Toujou koresponn vitès ou selon kondisyon wout la epi selon meteyowolojik.

## **Koupi kouran**

Si moun New York yo ap eksperimante yon entèripsyon kouran, moun New York yo ta dwe:

- Fèmen oswa dekonekte gwo aparèy ansanm ak lòt ekipman yo, sa vle di, òdinatè yo, nan ka yon sichaj elektrik momantane ki kapab andomaje aparèy sa yo. Kite yon limyè limen pou ou konnen lè kouran retounen. Konsidere itilize pwotektè kont wot tansyon tout kote ou itilize ekipman elektwonik.
- Rele konpayi itilite ou la pou ou fè yo konnen pa gen kouran epi koute emisyon radyo lokal ou yo pou enfòmasyon ofisyèl yo. Pou yon lis konpayi itilite yo, vizite Depatman Sèvis Piblik la.
- Tcheke pou w wè si vwazen w yo gen kouran. Voye je sou moun ki gen bezwen aksè ak bezwen fonksyonèl yo.
- Itilize flash sèlman pou ekleraj nan ka ijans – bouji ka lakòz dife.
- Kite pòt frijidè oswa frizè yo fèmen - pifò manje ki mande refrijerasyon yo ka rete nan frijidè an tout sekirite pandan plizyè èdtan. Yon frijidè ki rete fèmen pral kenbe manje yo frèt pandan apeprè kat (4) èdtan. Yon frizè ranpli pral kenbe tanperati l pou apeprè 48 èdtan.
- Pa itilize gri chabon anndan kay epi pa itilize fou gaz pou chofe kay la – yo ka emèt yon kantite monoksid kabòn ki danjere.
- Pandan tan frèt la, rete ocho lè ou mete plizyè kouch rad epi minimize tan ou pase deyò. Fè atansyon a sentòm estrès fredri lakoz yo (tankou ipotèmi) epi chache jwenn swen medikal apwopriye si ou vin gen sentòm sa yo.
- Si ou nan yon bilding ki wo, pran mach eskalye epi ale nan nivo ki pi ba nan bilding lan. Si w bloke nan yon asansè, tann asistans. Pa eseye fòse ouvri pòt yo. Rete pasyan - gen anpil lè anndan asansè a epi li fèt pou sekirite pasaje yo.
- Sonje bay bèt domestik ou yo dlo fre.
- Elimine vwayaj ki pa nesèsè, sitou nan machin. Siyal sikilasyon yo pral sispann fonksyone pandan yon entèripsyon, sa ki ap kreye anbouteyaj ak kondisyon ki danjere pou moun kondui. Si ou dwe kondwi pandan yon blakawout, sonje obeyi règ pou kanpe nan entèseksyon ki gen 4 vwa yo ak siyal sikilasyon ki pa fonksyone.
- Sonje ke ekipman tankou ATM ak asansè ka pa fonksyone.

Pou plis konsèy sou sekirite, ale sou sitwèb Divizyon Sekirite Enteryè ak Sèvis Ijans (Division of Homeland Security and Emergency Services) Eta New York la [isit la](#).

###